




PUSSAIVLADADS DA FAR INA FURMAZIUN SUPPLEMENTARA

Il sistem svizzer da la furmaziun professiunala porscha bleras pussaivladads per planisar la carriera.

Las suandantas purschidas sa basan per regla sin in emprendissadi terminà cun success.



Examen professiunal federal (EP) (tud: Berufsprüfung BP)

Finizium	Certificat professiunal federal (tud: Eidgenössischer Fachausweis)
Premissas	Per regla: attestat federal da qualificaziun AFQ ed experientscha professiunala
Descripziun	<p>Cun l'examen professiunal possedan ins in'emprima spezialisaziun, respectivamain abilitads specificas en roms dal fatg. Absolventas ed absolvents da l'examen professiunal pon surpigliar ina posiziun dal cader mesaun.</p> <p>L'examen professiunal vegn preparà complementarmain a la professiun. Ils curs han per ordinari lieu la saira e/u la sonda. Ils curs da preparaziun per l'examen n'èn per regla betg obligatorics, ma savens indispensabels.</p> <p>www.berufsberatung.ch/bp-hfp</p>

Examen professiunal superiur (EPS) (tud: Höhere Fachprüfung HFP)

Finizium	Diplom federal
Premissas	Per regla: Examen professiunal federal (EP) ed experientscha professiunala
Descripziun	<p>Cun in examen professiunal superiur sa qualifitgeschan persunas dal fatg sco expertas ed experts en lur champ professiunal. Quest diplom è medemamain ina buna preparaziun per pudair manar in manaschi.</p> <p>L'examen professiunal vegn preparà complementarmain a la professiun. Ils curs han per ordinari lieu la saira e/u la sonda. Ils curs da preparaziun per l'examen n'èn per regla betg obligatorics, ma savens indispensabels. Suentar avair reussi l'examen professiunal superiur, vegn surdà in certificat professiunal federal. En tschertas professiuns è quest diplom enconuschent sco diplom da maister.</p> <p>www.berufsberatung.ch/bp-hfp</p>

Scola spezialisada superiura (SSS) (tud: Höhere Fachschule HF)

Finizium	Diplom SSS
Premissas	<p>Attestat federal da qualificaziun AFQ</p> <p>Tut tenor scola: examen d'admissiun, pratica professiunala, praticum, curs d'introducziun</p>
Descripziun	<p>Absolventas ed absolvents d'ina scola spezialisada superiura approfundeschan lur savida generala ed acquistan enconuschientschas teoreticas e praticas per l'organisaziun e per la direcziun en il cader mesaun. Savens surpiglian els en lur sector la responsabladad professiunala e directiva.</p> <p>Las scolaziuns duran tut tenor la scola e la scolaziun dus fin quatter onns. Ins po eleger tranter in studi a temp cumplain u in studi complementar a la professiun. Studis a temp cumplain cumpiglian er praticums per rimnar experientschas professiunalas.</p> <p>www.berufsberatung.ch/hoehere-fachschulen</p>

Maturitad professiunala MP 2 (tud: Berufsmaturität BM 2)

Finizium	Maturitad professiunala MP
Premissas	Attestat federal da qualificaziun AFQ: buna nota da finizium Tut tenor scola: examen da qualificaziun e/u discurs d'admissiun
Descripziun	<p>La maturitad professiunala pussibilitescha l'access ad in studi da bachelor ad ina scola auta spezialisada correspondentia.</p> <p>Pussaivlas èn las suandantas direcziuns da la maturitad professiunala: «tecnica, architectura e life sciences», «economia e servetsch», «sanadad e social», «decoraziun ed art» sco er «natira, territori e nutriment».</p> <p>La scolaziun ha lieu a temp cumplain entaifer 1 onn u a temp parzial entaifer 2 onns.</p> <p>Fegl d'infurmaziun CIP «Maturitad professiunala suenter l'empredissadi (MP2)».</p> <p>www.berufsberatung.ch/maturitaeten ► Berufsmaturität</p>

Curs Preliminar SAP

Premissas	<p>Attestat federal da qualificaziun AFQ cun maturitad professiunala MP</p> <p>Attestat federal da qualificaziun AFQ ed experientscha professiunala da 2 u 3 onns.</p> <p>Tut tenor la scola: Examen d'admissiun en ils roms emprima lingua e matematica, sch'ina maturitad professiunala n'è betg avant maun u sch'il diplom è vegnì fatg avant 3 onns u dapli.</p>
Descripziun	<p>Il curs preliminar che cuzza in onn pussibilitescha in studi a la scol'auta da pedagogia (SAP) per daventar ina persuna d'instrucziun da la scolina u da la scola primara.</p> <p>Il curs preliminar cuzza in onn.</p> <p>www.berufsberatung.ch/hochschulvorbereitung</p>

Passarella

Premissas	<p>Maturitad professiunala MP</p> <p>Tut tenor accent dal studi èn cundiziuns d'admissiun supplementaras pussaivlas.</p>
Descripziun	<p>La passarella è in examen cumplementar per maturandas e maturands professiunals. Ella pussibilitescha l'access a las universitads svizras ed a las scolas autas pedagogicas. Ils curs da preparaziun per l'examen da passarella duran dus semesters a temp cumplain ubain trais semesters a temp parzial.</p> <p>www.berufsberatung.ch/passarelle</p>

Scola auta specialisada SAS (tud: Fachhochschule FH)

Finizium	Bachelor of Science (BSc) u Bachelor of Arts (BA) SAS
Premissas	<p>Attestat federal da qualificaziun AFQ e maturitad professiunala MP en ina professiun parentada cun il rom da studi</p> <p>Attestat federal da qualificaziun AFQ e maturitad professiunala MP ed in onn experientscha professiunala en ina professiun na betg parentada cun la professiun.</p> <p>Tut tenor accent dal studi èn cundiziuns d'admissiun supplementaras pussaivlas.</p>
Descripziun	<p>Persunas che han in bachelor d'ina scola auta specialisada èn qualifitgadas fitg bain e surpiglian posiziuns da cader en ils manaschis. Il studi da bachelor en ina scola auta specialisada po vegnir absolvi tut tenor la scola e la scolaziun a temp cumplain u complementarmain a la professiun. In studi a temp cumplain dura trais onns. In studi complementar a la professiun dura per regla quatter onns. Savens vegnan praticums absolvi durant il studi.</p> <p>www.berufsberatung.ch/fachhochschulen</p>

Maturitad gimnasiala per creschids

Finizium	Maturitad gimnasiala
Premissas	Tut tenor scola: examen d'admissiun
Descripziun	<p>Cun reussir la maturitad han ins directamain access ad in studi a las universitads svizras ed scolas politechnicas federalas, a las scolas autas tecnicas federalas, a las scolas autas da pedagogia ed a las scolas autas specialisadas. Las scolas porschan instrucziun cumplaina, parziala ed a distanza. Ils studis duran savens trais fin quatter onns.</p> <p>www.berufsberatung.ch/maturitaeten ► Gymnasiale Maturität für Erwachsene (rechte Spalte)</p>

Qualificaziuns supplementaras e curs

Premissas	Per regla: furmaziun fundamentala professiunala
Descripziun	<p>Preziusas qualificaziuns supplementaras pon ins per exempel cuntanscher cun frequentar curs u scolaziuns en l'atgna branscha. Impurtant èsi er d'extender las competenzas linguisticas u d'informatica.</p> <p>www.berufsberatung.ch/weiterbildung</p>

CIP Grischun

Vus As vulais far ina midada professiunala? Vus As vulais perfecziunar, ma na savais betg propi en tge direcziun? Las cussegliastras ed ils cussegliastrs As sustegnan a concepir Vossa carriera.

- furmaziunprofessiunala.gr.ch
- biz@afb.gr.ch